

Javni poziv za angažman stručnjaka za razvoj video materijala/podcast-a na temu trgovine ljudima u digitalnom okruženju

Osnovne informacije

Centar za sigurni internet u Bosni i Hercegovini, kojim rukovodi Međunarodni forum solidarnosti – EMMAUS (MFS-EMMAUS) je u potrazi za stručnjakom za usluge razvoja video materijala/podcast epizoda na temu trgovine ljudima u digitalnom okruženju, sa posebnim fokusom na prevenciju nasilja nad djecom i rodno zasnovanog nasilja. Centar za sigurni internet (SIC) u Bosni i Hercegovini je angažiran na prevenciji i podizanju svijesti o sigurnosti na internetu, edukaciji djece, mladih, roditelja, prosvjetnih radnika i drugih profesionalaca.

Svrha i cilj angažmana

Svrha angažmana je osigurati tehničku i produkcijsku podršku tokom snimanja podcast epizoda koje će se realizovati u prostorijama Centra za sigurni internet u Bosni i Hercegovini, uz korištenje opreme koju osigurava Centar.

Angažovana osoba će biti odgovorna za pripremu prostora za snimanje, postavljanje i rukovanje opremom, te za osiguranje visokog kvaliteta slike i zvuka u skladu s profesionalnim produkcijskim standardima.

Zaduženja i odgovornosti

U okviru projektnog zadatka razvoja video materijala/podcast-a očekuje se:

- priprema opreme i plana snimanja (4 – 5 podcasta);
- snimanje video materijala/podcasta prema utvrđenom planu;
- režija video materijala/podcasta;
- editovanje i montiranje video materijala/podcasta;
- isporuka finalne verzije video materijala/podcasta najdalje do 24.10.2025. godine.

MFS-EMMAUS će odabranom stručnjaku olakšati pristup neophodnim resursima, te pružati podršku tokom cijelog procesa.

Vremenski okvir

Za sve zadatke definisane uslovima angažmana, ugovoreni stručnjak će biti angažovan na period od 13.10.2025. godine do 26.10.2025. godine.

Ekspertiza i iskustvo

Za obavljanje zadataka iz uslova angažmana, stručnjak treba da ispunjava sljedeće kriterije:

- dokazano iskustvo na sličnim poslovima, posebno u oblasti video snimanja, tehničke produkcije i postprodukcije;
- poznavanje osnova osvjetljenja, kadriranja i zvučne obrade u skladu s profesionalnim standardima;
- sposobnost samostalnog rada i efikasne saradnje s projektnim i tehničkim timom;
- izražena preciznost, kreativnost i odgovornost u radu.

Prijava

Zainteresovani kandidati/kinje treba da pripreme i dostave ponudu (sa odgovarajućim prilogima) na jednom od službenih jezika Bosne i Hercegovine, što uključuje:

- biografiju/CV (uključujući relevantne reference ranijih radova);
- finansijsku ponudu (honorar za angažman po podcast epizodi).

Poziv je otvoren za fizička lica sa područja Bosne i Hercegovine. Zainteresovani stručnjaci treba da dostave svoju ponudu na sarajevo@mfs-emmaus.ba ili lično na adresu ureda u Sarajevu (Alekse Šantića 8/III) najkasnije do **12.10.2025. godine**.

Samo kandidati koji uđu u uži izbor će biti kontaktirani.